

O IRMANDINO

PERIÓDICO GALEGO

ÓRGÃO DA IRMANDADE GALEGUISTA DO URUGUAY

Año I

Dirección e Administración:
PIEDRAS, 411

Montevideo, Decembro de 1934

Núm. 2

PARDO DE CELA RAZA, LINGUA, CULTURA

A Javier Rodriguez Meijide.

"O Irmandino" que naceu pra vivir na nosa coleitividade, oxe ten de lembrarse d'un morto ilustre que pra honra dos galegos dou a súa vida pol-a liberdade de Galiza.

Falamos do Mariscal Pardo de Cela; do home galego que o cerralos ollos o mundo pra entrar no seo da inmortalidade, adquiriu o seu nome todol-os relieves d'un héroe. Os homes que dan a vida pol-a liberdade non son mártires; ¡son héroes!

O cumprirse un aniversario mais da súa morte, temos de darlle ceibe camiño aos impulsos vibrantes do noso espírito galego, pra que as cordas do corazón nos xacudan as durmilleiras rexions da nosa ialma que a berros pide xusticia pros homes grandes e rivendicacions pros seus sucesores.

Aló pol-o século catorce, pouco dinpois da guerra dos Irmandinos, cando Galiza sintía morrer as suas liberdades, surxeu a rexa e varil figura d'aquel cabaleiro, no intre qu'os reies católicos querian sumir o pobo galego baixo a súa hexemonia abafante e potencial.

Cando ocorreu en Castela o falescimento de Enrique IV foi cando Pardo de Cela surxeu coma un caudillo de aquel movemento de emancipación galega. El que era un rexo loitador por levar o reinado a doña Xoana de Beltranexa, por entender que d'este xeito Galiza tería a liberdade que merecía, non pudo ver coroadas de éisito as suas aspiracions; mais non foi d'abondo pra que él depuxese a súa aitude que por ser tan patreótica veuse coroada co mais grande dos éisitos, cando todo pobo galego sin distinción de crases foi a prestarlle a súa axuda en col das liberdades galegas.

Velhei que o nome do Mariscal popularizouse d'un xeito tal, que hastr'os Irmandinos que non habían percorrido moitas datas loitaron contra él, foi enton cando se xuntaron pra combater aos reies de Castela.

Os señores feudales galegos que pra desgracia d'eles eran os mesmos amedrentados que fuxian o berro clamoroso do pobo buscando achego no reinado de doña Isabela e de don Fernando de Aragón, deixaron de ser galegos pra seguir sendo feudales; mais o Mariscal que tamén era un de tantos feudales, deixou de ser feudal pra ser galego.

Aitude patreótica d'un home que podendo ter total-as prevendas do goberno, renuncia a elas pra xuntarse co pobo; co pobo humilde e probe; probe de liberdade e de diñeiro. Así él tamén senteu a probeza. Senteu a nostalxia da liberdade que sinten os homes cando n-eles imperan por enriba dos intreises, o craro senso da patrea libre e de xusticia pra todol-os cidadans sin distinción de ideas nin de crases.

Os reies católicos que ouservaban o incremento que viña tomando o galeguismo que tiña por cabezoleiro a Pardo de Cela, non encontraban os medeos pra abafar aquel rexurdimento do nose pobo. De aquel pobo sumiso na obriga pero rebelde na inxusticia. Foi enton cando o goberno apelou a traición.

Esgotados pois todol-os recursos de que poidían valerse os reies alcontraron no capitán francés Lois de Mudarra, o que desexaban as suas ambicions egoistas e o mesmo tempo cobardes. O dito capitán pra cumprir as ordens dos seus señores valeuse da cativa maña que de cote empregaron e empregan os homes sin vontade e sin diñidade. Así sobornou aos criados do Mariscal, pra logo ca sua xente disfrazada penetrar na forteza da Frouseira e vilamente apoderarse de Pardo de Cela, do fillo e de outros que se alcontraban n-ese intre con él.

Esto ocorreu o 7 de Nadal do 1483; foron levados dimpois a cadea de Mondoñedo e alí pagaron cas suas vidas tan cheas de esperanza o Mariscal e o seu fillo.

Conviña xa que tivera remate a falseira idea isa confusionista que teima de misturar nun o dúplice concepto dos nazionalismos, según coida decote unha caste de espíritos burdos e simplistas, xentes todas ó marxen da fluencia do pensamento vixente e do senso histórico. Conviña non iñorar, na dinámica do tempo actual, ise concepto dual dos nazionalismos: o agresivo nazionalismo estatal e imperialista i o que resurde soerguendo os valores en xermen das patrias naturais, das comunidades culturais oprimidas baixo dunha dominazón política.

A aquil nazionalismo orguloso, absorbente, beato do Estado fetiche cumpre acentualo co seu propio calificativo, o que reclama a sua, fisonomía verdadeira: "estatismo"; ou sexa unha forma política apreixando e oprimindo, nunha estrutura artificial e tiránica, as entidades naturais das patrias vivas. O contrario, percisamente, é nazionalismo puro; o resurdir de isas comunidades culturais cara a unha armonía con fondo na natureza e na liberdade. Eis a diferenza.

De engádegas, ises mesmos espíritos simplistas e perguizosos afeixan e trabucan, con mtope ollada, o valor dos termos — como iles os conciben, tan dispares — de "raza" e "cultura". Conviña, tamén, non iñorar que oxe, tal o mundo e o seu desíño "humán", a raza, o racismo, na sua estricte acepción biolóxica, é imposible. A raza só concíbese, socialmente, como unha mistura de tipos e sangues que teñen un idioma común. A raza é a lingua, como afirmou reiteradamente o Unamuno. A lingua — que non é so-

O 17 d-este mesmo mes, na praza de Mondoñedo foi guillotinado o defensor mais grande que tivo Galiza en col das suas liberdades. Oxe, 451 anos dinpois temos de lembranos d-este endebelel acontecemento; mais non ha de ser no estilo pereodístico nin no discurso protocolar, sinon seguindo seu exemplo de rebeldía e patreoteco, pra que dimpois de tantas vegadas trascurridas sexamos seus diños sucesores, demostrando o Mundo quens foron os homes esquencidos pol-o prexuício político que domina os pobos.

Este é o mellor homaxe que podemos ofrendarlle: ¡Sendo galegos en vida pol-a causa da súa morte!

HINO GALEGO

Casta dos celtas, esperta axiña,
ergue do fango da escraviti.
Patrea da yalma, teus ceibes cantos
henchan o mundo de norte a sul.

Cantai galegos
o hino xigante
dos pobos libres
dos pobos grandes.
Cantai galegos
a idea santa
da independencia
da nosa Patrea.

Dos meus pasados, bendita terra
nai amorosa da miña nai
Creva as cadeas, que te asoballan
e cingue a croa da libértá.

Cantai galegos, etc. etc.

Alfredo Brañas Méndez.

(Foi esquinto pra música de
"Taibo".)

Da Iraxedia "O Mariscal" de Cabanillas e Villar Ponte

¡Camino de ferradura
que levas a Mondoñedo!
Nova rúa da Amargura!
¡Ou, vereda de inxustiza
pol-a que rube ó martirio
o redentor da Galiza!
¡Dalle paso doce e brando,
que tamén él vai doido,
antre saíóns e sangrando!
¡Tamén él, todo bondade,
leva ás costas a cruz sagra
d-un sono de liberdade!
¡Tamén él, cheo de dores,
vai con coroa de espíñas
posta de man de treidores!
¡Tamén él murcho e maltreito,
como rosa de pasión
leva unha chaga no peito!
¡Camiño de ferradura
aberto ó paso da Morte
na noite tristeira e escura,
leva con paz e sosego
ó soñador d-unha patria,
ó novo Cristo galego!

mentes un simple conxunto de
verbos, — supón un xeito orixinal
de ollar i expresar as cousas. A
lingua, pois, é o rasgo caracterís-
tico dunha cultura, a sua base
mais firme. (Tan é así que se non
pode sostener seriamente que eista
unha cultura firmemente diferen-
zada, marcada, integrad, sin unha
lingua propia que a sosteña.
Exemplarizando, podemos citar a
Suiza, a Bélxica, a Austria, das
que se non pode afirmar rigoro-

samente que teñan unha cultura —unha cultura suíza, una cultura belga, etc. —, porque, simplemente, non teñen unha lingua propia).

Razas de pura sangue non existen hoxe mais que nos pobos bárbaros, ilíados, salvaxes. A raza como un feito social, non como fenómeno biolóxico; a raza de tipos e sangues distintos avencellados por un mesmo idioma, si. Entón, porque a lingua é a base máis sólida dunha cultura i é o expoñente dunha comunidade social, os termos raza e cultura, n'ise senso, équivalense. Estrictamente, tal a roita civilizadora do mundo, a raza non eistste: somentes hai linguas, culturas de que se compón o compredo universal. (Tal racismo, o que ostulan os "estatismos", como o da Germania actual, ten un signo torpemente zoológico; o concepto de "raza" que afirman os nazionalismos natura-

les ten un signo, pois, por todol-o dito, de liberdade e cultura).

As guerras, as revolucios, contra o fátile e laxo criterio do internacionalismo simplista e do reaccionarismo asimilista do século pasado, perforan a Historia n'isa dirección, finxindo mais cada día de socegarse na aberración dunha cultura uniforme criadora dun tipo humano standardizado, coas mesmas reacciones anímicas dos monifates mecánicos soñados por calisquera sabio da recua hileriana de moda.

As razas son tan solo posibiles no senso cultural dito i elas son as que mandan, cada vegada mais, sostendo o universal nunha armonía baseada na natureza e na liberdade dos pobos. Como no mito babélico se expresa o porvir, pois, é das linguas que sosteñen as culturas e forxan as nazionalidades ceibes.

Johan Carballeira.

DESTERROS

Outro atropello máis c'o galeguismo acaba de cometer o goberno de Lerroux, por mandato do descalificado cómplice do contrabandista March. Falamos de Emiliano Iglesias, convertido no máisimo cacique da nosa terra. Iste persoa, encubridor d'alta delincuencia, fai tempo que ven traballando o indecible pra conter a forza, cada día mais puxante e vigorosa, do Partido Galeguista no que militan os máis destacados homes de Galicia. E como pro desenrolo dos sucios negocios que constituíen o seu medio de vida, estorballe o control dos patreótas galegos que dend'a dita agrupación galeguista loitan pol-o melloramento da vida galega, escomenzou, co apoio do goberno centrae, a perseguir aos dirixentes, encarcerando a uns e facendo trasladare a outros, aproveitando o feito de sere empregados do Estado.

A derradeira vergoñosa orde de que temos coñecemento, e a do traslado a Badaxoz e Cádiz dos loitadores e sinceiros patreótas galegos, Alfonso R. Castelao e Alexandro Bóveda.

Tal medida, pol-o respeito c'ambas meirades figuras de galeguismo inspiran hastr'a os máis acérrimos inimigos, foi recibida en toda Galicia c'a indignación imaxinable, xa que naidas iñora que no fondo o dito traslado non e máis que unha deportación tendente a restarlle elementos a un partido cuia pura e desinteresada labourea en favore dos intreses galegos, pol-o arraigo que está tomando entr'os traballadores e campesiños, non conven aos intreses particulares do encubridor de todo o que sexa inmoralidade.

Emiliano cumpriu unha necesidade pr'as suas maquinacións de home deshonesto. Prendendo a uns e trasladando a outros, pretende quedarse soio no control da vida galega que, como compreda a un comerciante da concencia cidadana, aproveitara pra facere os seus negocios sin que naides llos bote en cara e lle critique a sua falla de amor a terra en que naceu, pra desgracia de Galicia.

Nós pensamos que a pesare de todo non haberá de conseguire o que il quer, e que Galicia enteira non tardará moito tempo en botalo a il, xa que o camiño que elixiu e o peor. Con isto, o Partido Galeguista verá aumentar a suas filas con verdadeiros homes galegos que non están dispostos a servire de xuguete de calquer trafecante.

Nos outros, que sabemos ben o door qu se sinte o verse lonxe da terra meiga, acompañamos espiritualmente a tan bós galegos e irmans de ideaes, e, c'o poeta, decimoslles: "os tempos son chegados".

Ventana de pau de pino,
mala polilla te coma;
por causa de tí, ventana,
perdín a miña señora.

Falai baixo namorados
que'as pedras teñen oídos;
amores disimulados
sempre son os mais queridos.

SINTONIZE co'a RADIO AMERICA C X 46 os domingos de 10 a 11 e os xueves de 22 a 23 horas, no programa de "Pedruscos Españoles", e terá oportunidade de escoitar algo da NOSA TERRA.

ESTAMPA MARIÑEIRA

Unha taberna d'un porto de pescadores da costa brava de Galiza. Alumeados c'un quinqué, fatos de homes de mans callosas e rostro curtido po'los salseiros. Como o tempo non permite sair a gañar o pan pros fillos pasan'o na taberna tomando augardente, contando as últimas "caladas" que fixeron e o mal que se representa o inverno.

Un taboleiro estrado de vasos lixosos, xérras, que foron brancas, d'elas regañadas c'uns gatos d'aramio que lle botou algun afiadador que pasou pol-a aldeia. Máis atrás pipas de viño e augardente, un odre sobor d'uns cabaletes, c'unha cunca vella debaixo da vlla. O estante con botellas, as que dada a irreverencia d'as moscas non se pode ler a etiqueta. Pindurados d'unha viga unha saranda de rede con dous queixos e unha ducia de chourizos; mais aló, duas ducias de velas de sebo.

Arrimado o taboleiro o taberneiro co xornál debaixo do brazo, encendendo un cigarro que sacou d'unha petaca. Fai poucos instantes chegou o rapaz do correo e trouxo o xornal, o úneco que se recibe na aldeia e cuia lectura tivo que deixar pra despachar a un rillote, meigo espido, un real d'aceite fiado, e cuia venda pol'a

cara que puxo, non lle agradou moito.

De novo volt'a interrompida lectura do xornál faise silencio na taberna, pois, todo'os presentes escoitan o taberneiro c'unha unceón relixiosa "era tan mao o tempo, que os probes mariñeiros foi'lles imposible desembarcar na praia, pois unha ola xigante emborcou a lancha e arrastrou con ela os tripulantes diante dos ollos do pobo que estaba presencendo a traxedia sen poder prestarlles axuda, por non ter os mais indispensables elementos de salvataxe". "Traxedias com'a esta deben evitarse e o evitalas está na man do goberno, costruindo portos de refuxio nas costas galegas, cuíos homes de mar viven no mais compredo desamparo de parte dos gobernantes."

Terminou o taberneiro a lectura e o silencio durou uns instantes, pois nos ollos d'aqueles homes refrexábase a traxedia que acababan d'escoitar.

—Os gobernantes dixo ô tio "Garoch", — vello de satenta anos — os gobernantes non se lembran de nós mais que cando hai eleucións, dempois, van pra Madrí... coa aita de diputado e os probes mariñeiros que os coma o mar. Non sei que máis bai agardar o pobo galego d'estes gobernantes.

As escolas Galegas

Na escola que e'precisamente donde se forxan os elementaes principeos humans, alí é donde Galiza sente un formidabel atraso pedagoxico, por consecuencias do réximen centraista.

A pedagogía que atualmente ocupa un dos principaes rols na humanidade, aínda non está totalmente de acordo ca evolución d-esta. Está suxeta a dogmatismos cheos de prexuícios. Así pasa no reximen capitalista; mais este verdadeiro atraso, podemos afirmar ca nosa pouca crarividencia n-este probrema, débese no seu orixen a berme da politeca. Si os que viven d-esta educasen os pobos con integra liberdade, estes serían os mesmos que non precisarían do discurso politeco pra rexir os seus destinos.

Galiza en ves de ter escolars con maestros galegos, ou pol-o menos que souperan o galego, o Goberno mándanos andaluces ou madrileños pra educar aos nosos nenos que nin siquera os entenden falar.

E mester que na escola se aprenda algo mais que números e xeografía. De alí deben salir os futuros responsabres da humanidade, e pra que esta humanidade sexa mais perfecta, debemos

comenzar por barrer o que ataca aos mais elementaes principeos de evolución.

Vergonza da que veña un rapaz pra américa e que non saba quen foi un Curros Enríquez ou un Pondal; eso non lle conven enseñalo o Goberno porque precisamente si así fora, este non estaría cometendo os atropellos que de cote comete.

Dito, pois, a enseñanza non debe ser dogmática.

Máis impostos

Anuncian as derradeiras noticias de Hespaña, que se lle apriou un imposto as marisqueiras das rías de Galiza.

Esto é algo que nos arrepiu os pelos da cabeza, maxinando n-estas modestas mulleres que pra chegar a súa casa c'unha peseta pra facelo caldo se pasan a cotío molladas hastr'a a cintura pra arrecadar uns poucos mariscos.

Verdadeira inxusticia do goberno, que non lle chega dabondo o que lle paga o labrego galego, sinón que os probes que non teñen mais qu'a ofrenda da natureza non poden ser donos do que non é de ningún.

FUCHICADAS

Unha verdadeira revelación nas atuais Cortes d'Hespaña é sin dúbida o deputado señor O'Shea, que para maor disgracia é representante por Galiza. Discutíase no parlamento o proyeito do Ministro da Marina referente a construcción de cañoneiros e a sua adxudicación repartidamente nos astilleiros de toda Hespaña. O señor O'Shea non tiña falado nunca; tanto, que todo o mundo pensaba que era mudo — ou polo menos tatelo — en o medio do asombro de toda a Cámara, érguese no sou escaño pra apoiar o voto particular do señor Carranza declarando: "que los astilleros de Vigo no están capacitados para construir los cañoneros que en el proyecto se le asignan".

Teñámos en conta que os cañoneiros a construírse son de 300 toneladas e que un só astilleiro de Vigo fixo, nos dous derradeiros anos, mais de 30 barcos con casco d'aceiro; algún d'eles de 1.800 toneladas. Dénse conta os galegos que enteirados están dos problemas de Galiza os seus representantes en Madril, e pensemos de contado que nos conven mais; si pedirlle os deputados que falen, ou percurar convencelos de que non falen nunca, que se concreten a cobrar somentes, xa que pol-a mostra, podemos decatarnos de sobra, que hai algo moito pior que estar calado... decir barbaridades.

Cando botaron das constituintes a Emiliano Iglesias, por considerarse complicado nos manexos de contrabandista March, Lerroux dixo: "he estado descontento con la conducta de Iglesias desde hace mucho tiempo". Isto pensábao Lerroux cando gobernaban as izquerdas; máis o troco da política foi tan "radical" que hastra lle devolveu a conducta a quen a tiña perdida — ou a quen nunca a tivera. — A verdade é que hoxe, estes dous persoaxes lévanse como o pan e o leite.

¡Ai! qué ditosos serías os pobos si os políticos non tivesen estrómagos! ¡Quén diría que esa pequena necesidade orgánica sería capaz de afogar os máis afervoados ideais!

Un bô día o pobo cruñés fixolle un grande recibimento a Casares Quiroga; tratouno de fillo predilecto e cotou a casa pol-a fiestra pra agasallalo. Pouco tempo despois o mesmo pobo cruñés escorrazóuno as pedradas, xunto con Azaña, como quen escorraza os porcos bravos. A política cambia-

ra e o Mesías trocárase en xudeu. Pero nos dous casos o pobo tivo liberdade pra exteriorizar o seu sentir. Hoxe ise mesmo pobo agasalla cegamente as forzas do exército. Levanta arcos de trunfo, sementalle a rúa de froles e hastra lle da diñeiro. Esquence o pobo os últraxes que ese exército lle inferiu, ovedecendo o mando dos amos d'Hespaña; e mañán voltará novamente a darlle de paus sempre que os amos d'hoxe ou os que viñeren eisú o desexen, post-o que o exército pra disgracia do mundo non ten concencia, pra él a xusticia e a razón está sempre a carón de quen manda. ¿Prove,

si se quer convencer o pobo de Cruña, en facer algunha vegada (que ocación non lle han faltar) unha manifestación contra o exército que arremata de agasallar. e xa ollará como le vai?

O Gobernador de Pontevedra destituiu o Axuntamento de Pontearreas e nomeou nova corporación (coma en tempos da real orde) integrada por xentes da nefasta CEDA e radicás de D. "Ale" el "Tufitos". Xa poden estar tranquios os veciños de Pontearreas, con esa xente no Axuntamento teñen todo'los problemas resoltos hastra o das eleucións, cando as haxa, pois non fará falla que vaian a votar...

Publicaciones recibidas

"A Fouce"

Chegou a nosa casa o derradeiro número d'"A Fouce", que edita a Sociedade Pondal de Bós Aires o que como sempre adica especial atención os pobremas de Galiza seguindo a liña de conduta que se trazou dando a sua aparición.

Retribuímos o saúdo que nos adica desexando'lles os irmans da Pondal unha ampria colleita da semente que espallan.

"Opinión Galeguista"

Recibimos o segundo número d'este periodico galego editado po'la Organización R. Nazionalista Galega de Bós Aires, órgano este defensor da política que desenrola en Galiza o Partido Galeguista, trai algunhas cousas de intres coletivo, anque e de lamentar, que lle dean mais importancia a persoalismos que, a nada bó levan, e deixen de encarrar os pobremas galegos dende outro punto de vista, habendo antre'les xente que os conoce ben a fondo. Retribuímos o saúdo que nos adica, o desexamos'lles moito eisito na loita po'la revindización galega.

G. López Abente

Xentilmente adicados a biblioteca da IRMANDADE recibimos dous libros de versos d'este gran esquirtor galego tidoados "Escumas da Ribeira" e "Alento da Raza".

Agradecemos moito tan bô regalo como é un libro e agardamos de tan fino poeta novos froitos do seu inteileito e da sua outa cultura en ben da nosa TERRA.

Afundimento do funel de Montefurado

Unha correspondenza chagada de Quiroga, Lugo, nos enteira que no derradeiro mes de novembro afundiuse o túnel do Montefurado. O dito túnel era unha estimabel obra hestórica, construída na época de Trojano, dominación román. Tiña un heutómetro de longo e tres metros d'altor dendes da base, co il trocabase o curso das augas do río Sil. Agora, c-o atascamento do túnel, as augas teñen que voltar novamente o antigo camiño e elo pon en serio peligro as vecindades d'esa comarca, mais, tendo en conta que o inverno pode decirse que xa chegou e que o Sil é moi caudaloso, e desbórdase de cotío. De maneira que o feito que comentamos é dobremente lamentable: por que se perde unha obra hestórica e pol-os perxuicios que pode causar os veciños de esa zona.

Irmandade Galeguista do Uruguay

Gran Festival Galego

EN

HOMAXE A PARDO DE CELA

Salon-Teatro do Centro Galego, San José, 870

SABADO 22 DE DECEMBRO DE 1934

★

PROGRAMA

1.ª PARTE

1. HINO GALEGO.
2. VERBAS, pol'o Segretario da Irmandade.
3. A comedia en un acto e tres cuadros, orixinal de Alfredo Nan D'Allariz, tidoada.

O ZOQUEIRO DE VILABOA

REPARTO

Maripapa	Srita. Tita Gómez
Tio Mingos	Sr. C. Bóveda Amor
Fuoco	Sr. R. Somoza
Viteiro	Sr. H. Blanco
O Carteiro	Sr. H. Méndez
Xaquín	Sr. E. Helguera
O Xuez	Sr. E. Rodríguez

Gaita e coro xera'l en escea.

2.ª PARTE

CANZÓS GALEGAS

Pol'a Srita. Olguita Castro e barítono Sr. Eiroa. Acompañados o piano pol'o mestre Aparicio.

CANZÓS ESCEIFICADAS

CANZÓN DO BERCE

Solista: Srita. Tita Gómez e Coro.

CANTO DO ARRIEIRO

Solista: Srita. Olguita Castro e Coro.

RECITADOS pol'a Sritas. Olguita Castro e Tita Gómez.

No olvide en sus fiestas

Sidra NORA

En botellas de champagne

Importadores: MATEO BRUNET & Cia.

URUGUAY, 919/23

U. T. E. 8 46 61/65

Ramón Suárez Picallo

Nouticias chegadas no derradeiro correo impondénnos de co esforzado paladín galeguista Ramón Suárez Picallo foi detido por orden do goberno dictatorial que preside o ex emperador do Paralelo, anunciádosenos, tamén, que non pararán ahí as detencións, xa que son varios os militantes galeguistas que deberán ir a cárcel a purgar o DELITO de defendere a soberanía de pobo galego, asoballado pol-os tituados centraistas.

A nosoutros, o encarceramento de tan bon compañeiro de causa e amigo, non-os sorprendeu. Conoscemos ben a inque- danza d'este sinxel patrêota e, pol-o mesmo, esperabamos c'o goberno dictatorial que oxe rixe os destínos d'Hespaña, se ensañase con quen, pol-a súa sinceira e afervoadada defensa dos intreses galegos, tiña que sere pr'os REPUBLICANOS da con- xunción Lerroux-Xil- Robles, un escollo no seu afán de gober- nantes de forza. Pro, non será có encarceramento que haberán de pechar os beizos de quen, com'a Suárez Picallo, pón o corazón e todo o seu saber, que e moito, o servício da causa nobre e santa de facer de Galicia un país de homes libres, non de escravos, como queren que sexa os que viven as costas do traballo e sudor do pobo galego.

Dend'estas terras donde tantos sinsabores e sadisfaución convivimos xuntos, enviámosche, irmán Suárez, a nosa sempre inalterable adhesión e tua persoa e a causa galega, unida o berro de "A NOSA TERRA E NOSA."

A NOSA POLITECA

Témol-a obriga de responderlle a certos galegos e outras persoas que nos pregaron lle eispricase- mos "que fins perseguíamos nos".

Sinteticamente vamosillo a eis- poñer en poucas verbas: A Ir- mandade Galeguista do Uruguai non é unha Entidade abertamente politeca; os seus principaes fins son de dar a coñecer aos nosos ilustres patreotas que coma unha consecuencia do réximen morre- ron uns e viven outros na oscu- ridá. Houbo é hai na Galiza ho- mes célebres que por sel-o así can- tan as belezas da terra e as re- beldias do seu espírito, no idioma que encarna a mesma Terra; no idioma galego. Velhei que pode mais o ideal da patria que os in- treses do mercantilismo intelec- tual.

Nos xa dixemos n-outro núme- ro do Irmandino que o noso senso da patria está moi por enriba dos intreses mezquinos de certas cras de patreotas que non fan mais que falar e pra desgracia falan en castelán.

Si loitamos pol-a nosa autonoma- mía é porque entendemos que ela e o goberno que mellor conven a Galiza.

Si defendemos os nosos princi- pios raciaes e porque no conceuto da raza radica a grandeza d-un pobo.

Si falamos en galego é porque o noso idioma e doce com'a mel e rebelde comas abellas cando lle xacuden o cortizo.

O noso nacionalismo non quere decir fascismo, pois non soio nos decraramos enemigos d'el sinón que o repudiamos e combatimos.

Aspiramos na democracia a iguadade de dereitos, coma unha

posibilidade de iguadía integral.

A nosa patria, é a terra que nos veu nacer, é o currunchido do noso lar donde as nosas nais nos arrularon co doce cantar dos seus beizos.

¡A nosa patria é Galiza!

A Revolución Española

Non entraremos a detallar as causas que motivaron os derra- deiros acontecementos de Hespa- ña nin tampouco nos poñeremos de lado de tal ou cal partido poli- teco. Mais si nos falamos ca ver- ba de xusticia non poidemos deixar pasar por desapercibido os atropellos que se fagan a ésta, tanto en Hespaña coma nas demais par- tes do mundo. Os traballadores Hespañoles tamén foron vítimas da reaición imperio-fascista que ven simentando pol-o mundo os atropellos que por certo non son merecedores d-esta época.

Por principios de liberdade, nos estamos sempre cos de abaixo porque entendemos que si eles triunfan han de interpretar mellor o noso sentir, mais o seu fra- caso non é sinon a falta de com- presión do proletariado. Namén- tras o capital arrexúntase cada vegada mais, os traballadores combatesen entre eles por intreses de partidos.

As ideoloxías ciscadas pol-o mundo-as moitas-son as que non levan por ningún camiño. O im- perialismo trunfa é rise dos pro- letarios como se rompen a cabeza entre eles.

Somos enemigos das dictaduras, tanto de esquerda coma de direi- ta; pero si d-elas temos que facer escolleita, sexa quen sexa agar- damos cos brazos abertos o trun- fo do proletariado.

Como nos recibieron "O Irmandino"

Chegou a nosa casa o primeiro número d'este periódico galego qu-escomenza a súa vida alentado pol-os nazionalistas galegos da ve- ciña cibdade de Montevideo.

Belidamente presentado o xeito d'A FOUCE, e todo il esquirto no noso idioma "O Irmandino" ven a encher un valeiro e a demostrar que, en contra do que coidan cer- tos "apostólos do autonomismo no Río da Prata", pra facer labou- ra galega e mester pensar, falar e facer en galego.

Invitamos aos fundadores d'"O Irmandino" a seguir con varileza na loita e non recuar na subida cara o idelal libertador da Galiza.

Namentras, nosos saudos fra- ternáes.

"D'Afouce"

Voces d' alento

Dende Villalba (Lugo) recibi- mos un libro de versos galegos, tidoado "Horas de Frebe" do que e autora a inspirada poetisa Car- miña Prieto Rouco. Este libro reflexa nas súas páxinas un efer- vado amor a Galiza, cantado con tanta dozura e sinxeleza que a súa lectura deleita e entusiasmo.

Trae "Horas de Frebe" unha xentil adicatoria pra biblioteca socia e tamen viu acompañado d'una carta chea de loubanza e de alento pra labou- ra que desen- rola a Irmandade, da que trascri- bimos os parrafos seguintes, que son a xeito d'un chamado a rea- lidade pros paisanos que lonxe da Terra ollan con indiferencia as cousas galegas:

Irmáns galegos: Rescibín a súa atenta y agasalleira carta data 20 Setembro último.

Adimiro e celebros con intema ledicia os adiantos e progresos d'isa outa e valente Irmandade n'os poucos meses que leva de vi- da. Benditos os fillos que así sa- ben honrar, a súa nai! Benditos os que así loitan por mostrar ó mundo o que é y o que val a pa- tria Galicia.

Quedo agardando as súas novas e c'os meus sinceiros e cariñosos saudos a todo-los seus diños com- pañeiros de Direutiva, qued'ás órdenes d'a Irmandade pr'a todo canto xusguen comenente, pois máis galeguista, nin máis antu- siasta d'o nosos arte e d'as gró- reas patreas, párceme que non poderá ser ningún.

Conten súa amiga e irmá de ideais: Carmiña Prieto Rouco.

Libros Galegos a venda na Irmandade Galeguista

NOVELAS

R. Otero Pedrayo:	
Os Señores da Terra	\$ 0.85
O Estudante	" 0.85
A Maorazga	" 0.70
Arredor de si	" 0.70
A Romeira de Xelmírez	" 2.40
Castelao:	
Os Dous de Sempre	" 2.40
G. Lopez Abente:	
Vaosilveiro	" 0.85
Aurelio Ribalta:	
O Derradeiro Amore	" 0.70
Xosé Lesta Meis:	
Abellas de Ouro	" 1.40

POESIA

M. Leiras Pulpeiro:	
Obras completas	\$ 1.05
Manoel Antonio:	
De Catro a Catro	" 0.50
Lois Amado Carballo:	
O Galo	" 1.00
G. López Abente:	
Nemancos	" 0.85
R. Blanco Torres:	
Orballo da Media Noite	" 0.70
Xosé San Luis Romero:	
A volta do Bergantiñán	" 0.80
Euxenio Montes:	
Versos a Tres Cás o Neto	" 1.05
R. Carballo Calero:	
O Silenzo Axionllado	" 1.05
Vieiros	" 0.70
Augusto M. Casas:	
O Vento Segrel	" 0.85
Alvaro Cunqueiro:	
Mar a o Norte	" 0.85
M. Luis Acuña:	
Firgoas	" 1.05
Delgado Surriarán:	
Bebedeira	" 0.70

TEATRO

Vicente Risco:	
O Bufon d'el Rei	\$ 0.30
A. Villar Ponte:	
Tríptico teatral	" 1.05
Os Evanxeos da Risa Abso- luta	
Maira Rosa	" 1.70
Maira Rosa	" 0.40
Alvaro de las Casas:	
A Morte de Lord Staüller	" 0.40
Pancho de Rábade	" 0.30
Tres Conversas	" 0.35
Rafael Dieste:	
A fiestra Valdeira	" 0.85
R. Otero Pedrayo:	
A Lagarada	" 0.30
Armando Cotarelo:	
Beira Mar	" 0.50
Mourenza	" 0.30

DE VIAXE

Vicente Risco:	
Mitteleuropa	" 2.00
Pelerinaxes	" 1.70

VARIA

Castelao:	
50 Homes por dez reas	\$ 0.85
Cousas	" 1.70
Ricardo Carballal:	
De Min pra Vos	" 0.35
Camilo Díaz:	
Conto de Guerra	" 0.70
Ken Keirades:	
Contiños da Terra	" 1.05
A. Cotarelo Valledor:	
Cncioeiro da Agulla	" 0.85
R. Otero Pedrayo:	
Contos do Camino e da Rua	" 0.70
R. Blanco Torres:	
De Esto y de lo Otro	" 1.40
Romantismo, Saudade, Sentimento da Raza e da Terra en Pastor Díaz, Rosalia de Castro e Pondal. (Discurso de Ingreso na Academia Galega de Ramón Otero Pedrayo, coa contestada do Académico Vicente Risco)	
.....	" 1.40